




**EU** PROGRAM ZA  
OPORAVAK OD  
POPLAVA



## FACTSHEET



### Opće informacije

U maju 2014. godine, Bosnu i Hercegovinu pogodile su najteže poplave u posljednjih 120 godina. Ogromne količine padavina od 250 do 300 litara po kvadratnom metru izazvale su naglo i obimno plavljenje više riječnih tokova Bosne, Drine, Une, Save, Sane, Vrbasa i njihovih pritoka, te pokrenule klizišta. Urbana, industrijska i ruralna područja su bila potpuno potopljena, odsječena bez struje, a oštećeni su putni pravci i transportna infrastruktura. Velik broj domova je uništen, oštećen ili poplavljen vodom, što je dovelo do značajnog broja raseljenih domaćinstava. Sve u svemu, procjenjuje se da je ukupni ekonomski utjecaj katastrofe dosegao iznos od 2,04 milijarde eura ili 15% BDP-a BiH u 2014. godini.

### Pregled Programa

EU Program za oporavak od poplava pokrenut je u avgustu 2014. godine u vrijednosti od **43,52 miliona eura**, od čega doprinos EU iznosi 42,24 miliona eura. Program se sastoji od više komponenti usmjerenih na pružanje pomoći u rehabilitaciji područja pogođenim poplavama, uključujući:

- ♦ hitnu obnovu vitalne infrastrukture javnog sektora i ponovno uspostavljanje ključnih javnih usluga u javnom sektoru;
- ♦ hitnu rekonstrukciju stambenih jedinica za najugroženije i marginalizirane kategorije;
- ♦ revitalizaciju lokalne privrede i poljoprivredne proizvodnje; te
- ♦ sanaciju komunalne infrastrukture u odabranim pogođenim zajednicama .

Pored toga, EU finansira zadržavanje i stvaranje do **2.000 radnih mjesta** u malim i srednjim preduzećima, te u sektoru poljoprivrede.

**EU Program za oporavak od poplava** finansira Evropska unija, a provodi ga Razvojni program Ujedinjenih nacija (UNDP), Fond Ujedinjenih nacija za djecu (UNICEF) i Međunarodna organizacija za migracije (IOM).

**Program je usmjeren na sanaciju ukupno 4221 objekata, od čega:**



**4,000** privatnih domova najranjivijih i marginaliziranih kategorija pogođenih poplavama



**90** školskih i predškolskih ustanova



**3** zgrade općinskih uprave



**4** doma zdravlja



**4** centra za socijalni rad



**100** lokalnih putnih pravaca i mostova



**10** objekata vodovodne i kanalizacione mreže



# MAPA: EU Program za oporavak od poplava



## Šta smo do sada postigli? (informacije o programu ažurirane 8. decembra)

### Javni ustanove

- **54 ustanove** su već u potpunosti obnovljene sa školama koje su odabrane kao prioritet kako bi se omogućio pravovremeni početak školske godine
- Više od **25,000 učenika** je ostvarilo korist kroz program.
- Trenutno su u toku radovi na **rehabilitaciji 32 javne ustanove**, a očekuje se da će uskoro započeti radovi na novoj grupi **32 javne ustanove**.
- Program ima za cilj završetak sanacionih radova na **90 javnih ustanova** do kraja godine.
- Predviđeno je da će se kroz program premašiti ciljani broj od **101 obnovljenu javnu ustanovu** oštećenu usljed poplava za još **17 javnih ustanova**.
- Obezbijeđen je i namještaj i nastavni pribor za škole i vrtiće koji su oštećeni usljed poplava.

### Stambeno zbrinjavanje

- Završena je sanacija prvih **411 stambenih jedinica** za najranjivije kategorije u prvoj fazi komponente stambenog zbrinjavanja (hitna podrška stambenom zbrinjavanju), a u toku je sanacija **419 stambenih jedinica**.
- Kao rezultat pomoći oko **2.000 osoba** je bilo u mogućnosti vratiti se u svoje domove, uključujući i osobe koje su bile u privremenim kolektivnim smještajima.
- **3000 korisnika** je izabrano putem javnog poziva u 24 općine/opštine uz sudjelovanje lokalnih vlasti i centara za socijalni rad.
- Uporedo sa javnim pozivom, sanacija **1000 domova** je stavljena u hitnu proceduru na osnovu prioriternih spiskova pripremljenih od strane ciljanih općina/opština i privremenih kolektivnih smještaja.
- Do kraja 2014. godine, predviđena je sanacija ukupno **1.000 stambenih jedinica**.

### Ekonomski oporavak

- Kao rezultat javnog i konkurentnog procesa odabrano je **56 partnerskih preduzeća** koja će kroz program dobiti pomoć.
- Ukupan iznos sredstava za pomoć malim i srednjim preduzećima je **1,43 miliona eura**.
- Očekuje se da će se zadržati **1860 radnih mjesta** u malim i srednjim preduzećima kao rezultat podrške ekonomskom oporavku, čime će se premašiti izvorna očekivanja od 1300.
- Pruža se podrška za **700 poljoprivrednih društava** u obnovi njihovih proizvodnih kapaciteta i najmanje 500 poljoprivrednih društava će biti integrirano u lokalne i regionalne lance vrijednosti kako bi se povećali njihovi prihodi i održivost.

### Komunalna infrastruktura

- **18 infrastrukturnih projekata** (mostovi, objekti za vodosnadbjevanje i ceste) je završeno; **38 je trenutno u toku** i dodatnih **18 je u planu**.
- Minimalno **30 cesta** i mostova će biti završeno do 31. decembra.
- Kroz program će se rekonstruisati **100 javnih cesta** i mostova kao i **10 objekata** za vodosnadbjevanje na **50 lokacija**.

Za dodatne informacije, posjetite stranicu EU Programa za oporavak od poplava [www.europa.ba](http://www.europa.ba)

